

"Мемлекеттік әлеуметтік сақтандыру қоры" акционерлік қоғамының қаржылық орнықтылығын қамтамасыз ететін нормалар мен лимиттерді белгілеу туралы

Күшін жойған

Қазақстан Республикасы Үкіметінің 2020 жылғы 13 сәуірдегі № 195 қаулысы. Күші жойылды - Қазақстан Республикасы Үкіметінің 2023 жылғы 30 маусымдағы № 528 қаулысымен

Ескерту. Күші жойылды - ҚР Үкіметінің 30.06.2023 № 528 (01.07.2023 бастап қолданысқа енгізіледі) қаулысымен.

ЗҚАИ-ның ескертпесі!

Қолданысқа енгізілу тәртібін 4-тармақтан қараңыз

"Міндетті әлеуметтік сақтандыру туралы" 2019 жылғы 26 желтоқсандағы Қазақстан Республикасының Заңы 8-бабының 5) тармақшасын іске асыру мақсатында Қазақстан Республикасының Үкіметі **ҚАУЛЫ ЕТЕДІ:**

1. "Мемлекеттік әлеуметтік сақтандыру қоры" акционерлік қоғамының (бұдан әрі – Қор) қаржылық орнықтылығын қамтамасыз ететін мынадай нормалар мен лимиттер:

Қор резервінің есепті жылдан кейінгі жылдың 1 қаңтарына есептелетін ең төменгі мөлшері провизия мөлшерінің кемінде он проценті мөлшерінде белгіленсін. Қор қызметінің нәтижесінде мүмкін болатын тәуекелдерді жабу үшін қалыптастырылатын және оның қаржылық орнықтылығын қамтамасыз ететін Қор резерві Қордың активтері мен провизиясының айырмасы ретінде айқындалады;

Қордың Қазақстан Республикасы Ұлттық Банкінде ашылған банктік шотындағы ақшаның ай сайынғы инвестицияланбайтын қалдығының есепті айдан кейінгі айдың басындағы ең төменгі мөлшері есепті айдың алдындағы айда "Міндетті әлеуметтік сақтандыру туралы" 2019 жылғы 26 желтоқсандағы Қазақстан Республикасының Заңында көзделген әлеуметтік төлемдер сомасының бір жарым еселенген мөлшерінен кем емес, бірақ 100000000 (бір жүз миллион) теңгеден төмен емес мөлшерде белгіленсін.

Ескерту. 1-тармақ жаңа редакцияда - ҚР Үкіметінің 02.10.2020 № 637 қаулысымен.

2. Қор провизияларды Қордан алушыларға төленетін болашақ әлеуметтік төлемдердің келтірілген құны ретінде актуарлық есеп-қисаптарды пайдалана отырып жыл сайын айқындайды.

3. "Мемлекеттік әлеуметтік сақтандыру қоры" акционерлік қоғамының қаржы тұрақтылығын қамтамасыз ететін нормалар мен лимиттерді бекіту туралы" Қазақстан Республикасы Үкіметінің 2006 жылғы 11 шілдедегі № 654 қаулысының (Қазақстан Республикасының ПҰАЖ-ы, 2006 ж., № 25, 261-құжат) күші жойылды деп танылсын.

4. Осы қаулы қол қойылған күнінен бастап қолданысқа енгізіледі және 2020 жылғы 1 қаңтардан бастап туындаған қатынастарға қолданылады.

*Қазақстан Республикасының
Премьер-Министрі*

А. Мамин

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК